
Хотин-қизлар фаолларининг психологик билимларини оширишга қаратилган ўқув семинари ўтказилди

Бағдод туманида “Хотин-қизлар фаолларининг психологик билимларини шакллантириш” мавзусида ўқув семинари ўтказилди. Унда тумандаги 59 та маҳалла фуқаролар йиғинларида фаолият олиб бораётган хотин-қизлар фаоллари иштирок этди.

Хотин-қизлар фаолларининг психологик билимларини оширишга қаратилган семинарда Ўзбекистон Психологлар ассоциацияси аъзолари - Гулнорахон Умарова ҳамда Зилолахон Шарипова қатнашиб, фуқаролар билан ишлаш жараёнида эътибор қаратиш зарур бўлган масалалар юзасидан маърузалар қилишди.

Семинар-тренингда хотин-қизлар фаолларининг психологик билимларини шакллантириш, фуқаролар билан ишлашда низоли вазиятларнинг олдини олиш, нотинч оилалар билан ишлаш, руҳий тушкунликка тушган шахсларга биринчи ёрдам кўрсатиш каби махсус кўникмалар берилди.

Семинар якунида хотин-қизлар фаолларини қизиқтирган саволларга мутахассислар томонидан тегишли жавоблар берилди.

Бағдод тумани ҳокимлиги Ахборот хизмати.

2023-08-03 18:08:12